

(國語會台語用字訂正稿)2010.11.26(五)

阿爸的目矧

金金仔看，金金仔看，
阿爸的目矧金金仔看阮大漢，
看阮行路，看阮跋倒，
看阮一暝一暝咧大漢，
一條痕，兩條痕，看甲目尾全皺痕。

金金仔看，金金仔看，
阿爸的目矧金金仔看阮讀冊，
看阮寫字，看阮^退退，
看阮一工一工捌代誌，
一支毛，兩支毛，看甲頭殼全白毛。

金金仔看，金金仔看，
阿爸的目矧金金仔看阮拍拚，
望阮趁錢，望阮成功，
望阮一冬一冬有成就，
日也望，暝也望，望甲身軀煞曲痾。

金金仔看，金金仔看，
阿爸的目矧想欲看阮一世人，
那來那^霧霧的目仁，
欲看煞看袂清。
阿爸，予阮牽你的手，
我的喙是你的目矧，
共你講田園，共你講囡孫，
共你講阮永遠的感恩。

(原稿)

阿爸的目睷

金金仔看，金金仔看，
阿爸的目睷金金仔看阮大漢，
看阮行路，看阮跋倒，
看阮一暝一暝咧大漢，
一條痕，兩條痕，看甲目尾全皺痕。

金金仔看，金金仔看，
阿爸的目睷金金仔看阮讀冊，
看阮寫字，看阮^退退，
看阮一工一工捌代誌，
一枝毛(mng)，兩枝毛，看甲頭殼全白毛。

金金仔看，金金仔看，
阿爸的目睷金金仔看阮拍拚，
望阮趁錢，望阮成功，
望阮一冬一冬有成就，
日也望，暝也望，望甲身軀煞曲痾。

金金仔看，金金仔看，
阿爸的目睷想欲看阮一世人，
那來那茫霧的目仁，
欲看煞看袂清。
阿爸，予阮牽你的手，
我的喙是你的目睷，
共你講田園，共你講困孫，
共你講阮永遠的感恩。

